

武府志卷之一

星野

晉書鴈門入東井十六度

唐書初胃四度中昴六度終異九度自魏郡濁之
北得趙國廣平鉅鹿常山東及清河信都北據中
山真定全趙之分北踰衆山盡代郡鴈門雲中定
襄之地與北方羣狄之國北紀之陽表裏山河以
蕃屏中國爲畢分循北河之表西盡寒垣皆頭
故地爲昴分

寧武府志

卷之一

星野

一

又曰初畢十度中參七度終東井十一度自漢
東上黨太原盡西河之地古晉魏虞唐耿楊
黎郇與河西戎狄之國及河曲豐勝夏州皆
之分

明一統志太原府禹貢冀州 域天文參井分
三關志大同三關占畢

夫天星與郡國相屬 有一定者雖郡
遷隨時若其地常所占星終不可易世之論者
大抵謂東井 秦主雍州昴 趙魏主冀

使大梁以中指鶉之面

代北必有議其不然者然星度有參差短長周環旁帶之不齊郡國所值固有非其常屬而與爲相繫故占測諸書多曰某地入某宿幾度某入某宿正其參差環帶上下相值而因與爲繫者也且中古精於天者無如李淳風與僧一行晉天文志造自淳風而書載一行之言備具淳風謂鴈門郡入東井十六度一行則云鴈門爲畢分兩人同妙於術乃其言遠若河漢後

之占者當何所從宋洪邁至以淳風爲謬亂自予論之冀州趙魏主昴畢雍州秦主東井無不識者豈淳風之妙顧反不知而乖其說彼其謂鴈門入東井者蓋從其參差環帶相值繫者言之耳行所云鴈門畢分則舉其一定者且一行不又云乎代郡鴈門雲中定襄爲畢分初畢十度終井十一度自河東太原與西河戎敵之國西河之濱所以限秦晉其南曲之陰在晉地衆山之陽南曲之陽在秦地衆山之陰陰陽之

氣通故與東井并故河曲豐勝夏州皆東井
夫雲中定襄正豐勝地既以爲畢又以爲井是
蓋言其一定又推其參差環帶者而兼明之則
與淳風所謂雲中定襄代郡皆入東井者復無
不合然則寧武之分野畧兼井畢而二宿同占
夫何疑焉

象緯辨占論云漢書言燕地尾箕之分野燕西
有代郡鴈門疑鴈門亦兼入尾箕分是蓋未常
思之夫漢書三語上下本各爲說上言 箕之
分爲燕下則言燕亦兼有代郡鴈門地初不謂
鴈門代郡悉是燕地而其分野統入尾箕也文
本甚明無誤讀爲也

地紀

古今沿革 寧武之地在上古時無所考至殷末而北 樓煩居之當周成王世畧通中國後絕不聞及戰國趙武靈主拓趙陁以北破走樓煩斥地自代並陰山下至高闕爲塞而地始爲趙有

魏志因通志作地表謂寧武在堯時屬冀州舜屬并州夏殷並冀州周屬并州爲晉國夫地理之書莫先禹貢恒山以北禹功勿及故東自嶠東南極梁徼西至崑崙析支渠搜之遠莫不載

乃雁陁累水絕未少見則知地本荒畧不入州服之內明矣何以決今寧武在昔爲屬并屬冀乎近世亭林景范二顧氏苕溪胡氏並號精地理學然顧亭林云今石嶺關以北至豐勝二州皆古并地胡渭云北踰塞垣抵陰山東受降城之北皆古冀地欲借後世之輿圖証前王之疆索詎不惑哉或者又云堯都平陽去今寧武不過九百餘里在帝都之北爲朔方地分命和叔宅朔方卽朔方名所 非 傳會

不知朔方處也一樓煩也以為子爵特孔之說耳然雖見於王會解而汲書戰國人偽作未足多信三關志辨其非以其獨有國號非東林比獨不觀成周之會壇墀四方多蠻夷君長依方而列咸有國號何獨於樓煩而異之然其地頗廣自今大同之山陰及忻代之崞靜樂若岢嵐州與今寧武郡皆其故處觀趙武靈王破走樓煩攘地至陰山為塞則寧武四縣盡在古樓煩境內可知或云偏關屬林恐非

蓋林東耳前志於周并州下首列晉國於偏關神池二縣注云晉邊晉北境若春秋時晉常有其地者然不知晉自悼公以前雖太原諸處猶戎狄雜居自荀吳敗敵而後北方漸廓孟丙始為馬首大夫至趙氏分晉益恢北鄙雁門以外始入於趙左氏國策分明可列由是言之於晉何與而指為其邊境乎或又疑高闕即今偏關老營陰出即大青山師古注漢書高闕名在朔方北

東流東逕高闕下史記蒙恬北擊胡渡河
闕據陽山陽山卽陰山與高闕相距不甚遠在
廢豐州之西榆林衛之西北黃河外去偏關老
營且數百里矣若大青山本漢遼西徒河縣境
地 前志所引通志三關志諸地理書多謬誤
如關志稱漢止有九州至建安中曹操始議復
十二州然十三州刺史武帝所置而勿之識也
餘率如此乃據以爲信往往未考正焉

秦旣滅趙置雁門郡自雁門以北起今大同西境包
朔平府西兼河曲縣及寧武一郡四縣皆秦時雁
門郡地也
或者謂雁門及雲中代郡皆趙置又指雲中謂
卽今之大同夫漢雲中在今河套內至唐始移
而漸近而謂趙時卽在今大同乎况趙實無置
郡事戰國蘇秦說燕稱燕西有雲中南有雁門
之饒而戰國之末代尚未盡亡故燕王喜用代
王嘉計殺子丹以謝秦以是而言趙又安得置
郡恐所稱引並舊史之失耳夫雁門秦置

明言之矣又引三關中路圖云寧武在秦屬太原郡夫秦使蒙驁拔趙狼孟新城等二十七城定太原郡固在雁門以北寧武何緣強屬耶漢承秦置雁門郡其縣有崞汾陽樓煩中陵沃陽今寧武漢崞縣地也寧武之寧化漢汾陽地也今神池漢中陵地也五寨至偏關漢樓煩地偏關東北邊老牛灣水泉營滑石澗老營堡及塞垣諸境漢之沃陽地也

魏志寧武縣漢樓煩汾陽二縣地引漢志注北寧武府志

卷之一 地紀

七

山汾水所出在今樓子山西南流經寧化城入於靜樂居人傳西岸有古城遺趾久淪於河又云神池漢雁門郡中陵樓煩馬邑善陽諸縣地按漢有善無無善陽善陽乃隋縣又漢馬邑在今朔州極北且漢縣大今縣小安得以神池一縣當古四縣地乎

通志云偏關屬漢定襄郡桐過縣之南境及雁門郡中陵武州各縣地五寨漢雁門郡中陵武

州地

其誤由於不明古今輿地尤誤於不知武州武州辨見下條

夫漢定

郡在北雁門郡在南桐過爲定襄南境正與雁門郡之沃陽壤接水經云河南流逕定襄桐過縣西又南樹頽水注之酈元注云樹頽水流至沃陽故城西而南入於河觀此則古今地形可曉桐過固不得越此爲今偏關北境也漢武州縣在今朔平府之平魯縣漢雁門郡武州縣在東沃陽縣在西二縣正相接今偏關東北境實爲漢沃陽地則是明不屬武州也

觀北魏志武州縣與隋志

之雲內縣皆卽漢武州之舊其地並在今大同管內益知與偏關遠不及也魏之武周魏收云

寧武府志

卷之一

地紀

八

二漢屬雁門隋雲內縣魏元成注云有武周山白登山

又云漢之崞縣今渾源州也

亦諸家之誤

夫渾源在

漢屬代郡靈邱鹵城縣地至唐末始有渾源縣隸應州而漢時崞縣自屬雁門太原府志亦云崞漢之舊縣蓋漢崞縣實不在今渾源州也北魏隋時今寧武縣並屬崞卽明初以寧武屬崞寧化屬靜樂制猶依古云考之前世唯北魏繁峙郡領崞山縣則今混源州是或遂誤以崞山爲漢時崞縣而昧其由來矣

或曰今之偏關凡言地理者並稱是漢武州縣地乃獨云樓煩得毋失乎蓋予讀漢志而得之班固云樓煩有鹽官又云沃陽西部都尉治鹽澤在東北鹽澤卽唐安北都護府之胡落鹽池者是在今歸化城西蒙古部地漢時以沃陽當雁門郡最西北過此則爲定襄雲中上郡地故西部都尉治焉其故處則在今偏關北邊外以古今地理言之唐豐州正當漢沃陽縣之東北故班固云鹽池在東北矣今蒙古地漢時爲郡

縣鹽池官得主之樓煩是以有鹽官也今偏關與五寨其所食鹽尚來從蒙古以其地相近接則知漢之鹽官當在今偏關地而唐嵐州樓煩郡有岢嵐軍景龍三年徙於朔方其留者號岢嵐守提隸大同軍今之偏關唐時實統於嵐谷縣卽宋火山軍亦兼統偏關五寨金元時偏關亦統於武州卽遼武州今五寨地明初關亦鎮西衛兼領偏關城鎮西衛指揮築蓋形勢相聯本合爲一路故自唐而下其區畫隸領猶悉漢縣遺意是以知

五寨至偏關爲漢樓煩地也若武州縣則明
建平鹵衛乃其故地而桐過又在平鹵衛西北
均無與於偏關彼三關志通志並以東魏末及
遼與元所設之武州謬當漢縣亦未精意求之
或乃遂以偏頭關爲卽漢之武州無疑且云唐
爲河東道武州縣地夫唐河東道且無武州何
有武州縣蓋稱論愈繁愈誣且惑矣

或者云今偏頭關爲卽漢之武州塞無疑又以
五寨爲古武州塞然漢武州塞故在武州縣北

邊於後世之偏關五寨無與也蓋漢時置塞皆
因山川人物爲名無苟稱者如光祿勳徐自爲
築則稱光祿塞蘇武所入處則稱蘇武塞因祁
連山雞鹿山則稱祁連雞鹿塞因涿邪城則稱
涿邪塞因武州山故稱武州塞耳其引三關志
謂嵐州之塞趙肅候所築而漢所爲武州塞也
遂以漢大行王恢伏兵馬邑誘匈奴入塞若眞
在今時五寨地而不悟其終失者

後漢承前雁門郡省沃陽并入樓煩而中陵屬定襄

靈獻之世羌胡鈔邊郡無寧歲至建安
魏晉之初盡徙雲中定襄朔方五原雁門諸郡之
民於塞內而棄其地郡縣虛不復設至永嘉四年
代猗盧從并州牧劉琨求得陘北棄地其後始招
集流人更置郡邑

魏志以今寧武在魏晉時屬新興晉昌郡地考
魏立新興郡乃僑置州郡之始寄治在今忻代
間不過移其民於彼地實不屬也晉之晉昌亦
唯改魏新興之號而寄治則如故蓋寧武在當

寧武府志

卷之一

地紀

十一

時爲棄地無所屬也

北魏恒州領代郡今神池偏關代之永固縣地也

凡

四縣曰平城曰太平曰武周曰永固皆自東而西
平城其都縣也太平今左雲等地武周卽漢武州
今平魯縣地而永固則非偏關無所屬故
知今二縣在北魏時當爲永固縣地矣 肆州領

秀容郡今寧武縣魏秀容郡之石城縣也

隋志雁門郡崞

本後魏石城縣地隋崞縣
亦如魏兼有寧武地之半

今寧化五寨秀容郡之

北秀容地也

或曰今神池在後魏時當爲善無郡之沃陽縣

地然考 朔州地乃魏之沃陽耳

魏志寧武在北魏屬朔州神武郡尖山縣武川
鎮新城諸地偏關爲廣寧郡石門新城地神池
爲神武郡尖山縣境五寨屬神武郡尖山殊頽
二縣地通志云偏關北魏武川鎮南境

按北魏朔州懷朔鎮本漢朔方郡廣牧縣故地
非隋唐後之朔州也神武尖山殊頽廣寧石門
當盡在河套中唐時於北魏故朔州地置天德
軍在今榆林衛廢勝州西南元和郡國志云武
川城在天德軍北三百里後魏大鎮從西第三

鎮也則皆與寧武相距殊遠考魏又有神武郡
屬西夏州無縣而廣寧郡無新城唯吐京郡有
新城縣初屬汾州後雖隸武州然武州東魏未
所置實僑寄於繁峙則神武新城並是空名耳
不得借之爲寧武神池五寨故地也又疑蘆芽
山卽尖山所由名并云五寨有樹頽水謂魏時
置縣實在此至其作關隘一篇乃復云功臣公
主自立州郡羈縻軍州唐宋不免寧武郡內之

此

先後不

通志魏後不列北齊魏志則有北齊唐宋兼列
五代夫割據一時州郡紛易無關沿革之要通
志勿列是也今亦如之而北齊後唐石晉等有
所改易並附見別條

隋屬雁門樓煩馬邑郡今寧武寧化雁門崞樓煩郡
之靜樂地今五寨樓煩之秀容地今偏關神池馬
邑郡之開陽地也

魏志云神池在隋屬馬邑之鄯陽神武二縣地
亦未然也

寧武府志

卷之一

地紀

十三

唐屬嵐州憲州河東道天安軍亦屬代州崞縣今五
寨偏關嵐州嵐谷地也今寧化憲州地也寧武及
神池偏關宜又皆爲天安軍地也

唐書代州註云北有大同軍西有天安軍兵志
河東道大同天安橫野軍崞嵐守捉以地理正
其方隅遠近偏關正在代州西少北當大同軍
之西南故知在唐亦屬天安軍又唐有兩天安
軍一屬關內道

前志云唐屬朔州嵐州憲州北管州武州按北

管唐併入嵐州其朔州則析大同軍城置領善陽馬邑二縣無與寧武其說蓋誤於通志至云武州其誤尤甚考唐時兩武州其一在今宣化其一屬關內道在今固原平涼間而實無在山西之武州山西之武州乃遼重熙九年所置重熙遼興宗年號十年遣劉六符等使宋求周所取關南地武州之置當在此時遼史地志朔州統州一曰武州宜武軍下刺史與石敬瑭所割之武州並載志中其一曰歸化州雄武軍者卽

唐領文德縣在今宣化者也第兩武州判焉不同而遼史於唐武州遼改歸化州者則云唐僖宗時改毅州李克用復武州後唐明宗又爲毅州及遼改歸化至重熙九年之武州又云唐末所置後唐改毅州重熙中復號武州凡兩州而共爲一說於其始末又復互殊淆亂顛倒至於如是且唐書地志最爲精密凡郡縣更名自武德初至大中景福天復天祐之末莫不備記卽王處存李克用朱温李茂貞諸所置亦悉

焉顧絕無改武爲毅之文是遼史尚足信乎通志承之勿能辨也亦云唐末置武州是唯知有遼史之武州而以唐大中五年置在原州蕭關者混而爲一矣若三關志謂古今有兩武州其一唐置今宣府也其一漢武州縣今偏關也然關志絕未知古今武州之名凡有五一漢武州縣則縣而非州一東魏末僑置若河北關內兩武州則唐置特俱不屬河東其在河東者乃遼置而金元皆有之關志唯昧其然乃謬以遼武

州與漢縣唐州又混而爲一故歷指由來悉論辨之使言地輿者得曉然焉

又按遼史朔州寧遠縣北齊天保六年置招遠縣唐改寧遠縣然唐志朔州注有長寧無寧遠也武州統神武一縣後併寧遠爲一縣來屬寧遠縣寧遠鎮東至朔州八十里以道里方隅校之則今寧武神池在遼時正當爲寧遠縣地然神武本隋縣因北魏僑置之神武郡改設神武縣有桑乾永則地又當在寧遠 東或者以今

五 縣有神武鎮遂謂神池五寨皆遼神武地夫五寨神池故無桑乾水第謂爲寧遠故處可耳五寨志畧云故寧遠縣在東北三十五里斯得之矣

宋隸河東路嵐州寧化軍火山軍今五寨南境宋嵐州地也今寧武之寧化宋寧化軍地也今五寨西境至偏關兼河曲宋火山軍地也今寧武東北面宋熙寧以前塞下地也

魏志寧武縣宋憲州寧化州地不知唐時無寧

化軍州故地統於憲州自北漢置寧化宋因之以爲州縣則寧武之寧化乃自爲境壤而憲州惟在靜樂矣雖明代寧武亦常統於靜樂然已廢寧化爲巡檢司則與宋之設軍州者異而因唐制之舊也 三關志謂遼史無寧武自尹憲破遼朔州後宋終有其地魏志則以寧武屬遼二者各得其一特皆未及深究按宋史韓魏公言自潘美鎮河東患契丹寇鈔令民內徙而空塞下不耕於是忻代寧化火山之北多廢壤此

皆良田今棄不耕適以資敵請距北界十里爲
禁地其南則募人墾之由魏公言觀之是宋破
朔州後寧武之地遼亦不爭宋亦不守其爲宋
棄地明矣又遼史蕭禧來議疆界宋遣沈括報
之括檢舊地界圖自黃嵬至長城僅三十里今
寧武地東西長而南北狹南北相距多不過二
十五餘里正與括所檢者合是宋熙寧已前地
果屬宋至熙寧七年後宋以分水嶺爲界割地
畀契丹而寧武東北境乃屬於遼矣宋有寧武

東北而無神池者神池爲遼寧遠縣也

金屬太原府崞縣河東北路寧化州嵐州隰州西京
路武州今寧武東南境金崞縣地西南境金寧化
州地今五寨金隰州樓煩縣嵐州嵐谷縣地今偏
關神池金武州地也

或以偏關爲金隰州然觀元尚思明魏知院碑
云移師武州之阨塞曰偏頭關則偏關屬武州
而非隰州地明矣魏志云寧偏神五四縣皆金
朔武二州地又據通志以爲寧武縣屬金朔州

鄯陽縣地考金地志朔州鄯陽縣有桑乾河有
太和嶺天池雁門關今寧武縣東北而至狹其
最遠者東北至大水口接朔州界僅三十里而
止恐不得以爲屬鄯陽縣而通志所言殆亦彷彿
失眞者耳

元屬大同路武州冀寧路管州嵐州崞州地今寧武
東南境元崞州地也今寧化五寨元管嵐二州地
也今寧武西北及偏關神池元武州地也

魏志元屬河東山西道宣慰使大同路河東山

寧武府志

卷之一

地紀

十八

西道廉訪司冀寧路則寥濶汗漫不知所歸矣
又云至元二年割金寧邊州之半屬武州省其
半入東勝州是金之寧邊州亦在偏關界內
明隸太原府靜樂崞二縣洪武二年設太原五衛鎮
西衛隸山西都司置偏頭關後置寧武關有偏關
寧武老營八角寧化五所神池利民三岔五寨四
城今寧武縣故太原前衛左衛地今偏關縣太原
右衛鎮西衛地今神池縣太原左衛左右二所太
原前衛左前二所地今五寨縣鎮西衛地也

按漢時州縣濶遠故設部都尉居之與刺史縣令分地而治而統於牧伯唐宋之制州郡以外又有諸軍亦治其地而統於道節度宣撫使明代設衛蓋法其遺制凡衛之刑罰錢賦衛官主之各有分地與州縣等衛又有所復分衛地而治焉故寧武初時雖隸太原然實則皆衛地也自洪武初至崇 之末寧武數百里古置州縣者皆盡廢而一變其舊此沿革之大而不可使其地無考於後故備悉而著之

地理諸家之論寧武自明代而外多有以爲唐宋金元之時地屬朔州鄯陽馬邑等彼特以朔州近與相接而寧武於先載籍間缺少可徵考故約畧其辭云爾然正其方隅計其道里推之形勢則千古之跡固有可明始乎雁門爲郡而兩漢之樓煩崞北魏隋之秀容樓煩雁門唐宋之嵐憲天安火山寧化金元之武州措置雖殊名號或變要其疆理遠近配屬相維推以事理往往如出一孔而亦不甚乖殊也故今寧武縣

明初隸靜樂崞蓋猶得漢之遺意而今之關
五寨漢總爲樓煩唐時兩縣皆統乎嵐谷宋火
山軍亦兼有二縣遼金元之武州則又顯然共
爲一路也通志以今神池縣爲唐武州新城地
謂後唐李克用生神武川之新城卽此夫唐書
明言沙陀朱邪執宜來降詔處之鹽州已而范
希朝鎮太原詔沙陀舉軍從之居之定襄神武
川之新城定襄神武川在大同地境唐置神武
軍處且唐河東道無武州何有武州之新城遼

史云武州神武縣魏置晉改新城如以神武爲
曹魏所置而司馬晉改新城則其時方徙民入
塞何暇於此置縣如云元魏所置則有郡無縣
抑所謂晉改者元魏後唯石敬瑭稱晉敬瑭未
及爲帝已割山後諸州與契丹又何復改新城
之有夫遼史荒陋絕不足信通志受其悞而勿
知魏志顧且引之遂并以神武新城概入神池
古跡矣

國朝初承明制屯衛如故雍正三年始改衛所置

武府領縣四曰寧武偏關神池五寨

寧武縣改寧武所置治郡郭中以西南寧化所東
北陽方口東南盤道梁諸堡隸焉

偏關縣改偏關所置治關城以老營水泉樓溝馬
站永興諸堡隸焉

神池縣改神池堡置治神池堡城以利民八角二
堡隸焉

五寨縣改鎮西衛置治鎮西衛五所大寨堡城以
三岔堡城隸焉

疆域

寧武府在山西布政司西北三百四十里東西廣
三百二十五里南北袤二百八十里 東至朔
平府朔州界二十七里又東至大同府應州界
二百二十里山陰縣界一百八十里 西至大
原府岢嵐州界一百二十五里又西至保德
界二百三十里 南至代州崞縣界七里 北
至水泉營邊牆界二百七十里 西南至忻州
靜樂縣界一百四十里 東北至朔平府

縣界二百里至老營堡邊二百二十里 至朔
平府治三百二十里至大同府治三百四十里
西北至保德州河曲縣界一百八十里 至
老牛灣蒙古界二百五十里 自府治由山西
大同府經直隸宣化府入居庸關至京師一千
四十里由代州東至易州入紫荆關至京師九
百十里

寧武縣東西廣一百六十五里南北袤二十二里
東至本縣陽方口外沙河二十七里 至朔州

治八十里又東至本縣辛寨等村八十里 至
東馬營村一百八十五里又東至本縣靜寧堡
等村二百二十里 至大同府應州治二百四
十里 至山陰縣治一百八十里 西由黃花
嶺張家坪至五寨縣治一百里 南至本縣
窩村代州崞縣界七里 北至黃花嶺接神
縣界十七里至神池縣治三十里 東南至本
縣柳坂泉八十五里至崞縣治一百二十里
東北至本縣大水口三十里接朔州界 路又

接神池界 西少南至忻州靜樂縣界一百四十里至靜樂縣治一百八十里 西南至本縣馬房村接崞縣界一百里 西北至本縣馬龍村接五寨界九十里 南七里至狼窩村鳳凰舖由崞縣赴省大道也由崞縣上陽武而東自代入紫荆關路也 東十七里陽方口由朔州入京大道也 西一百里至寧化堡入靜樂交城興縣諸處路也 由靜樂縣凌井溝往太原徑路也 北十七里至神池界往五寨偏關崞

嵐河曲保德邊陲之衝路也

偏關縣在府西北一百八十里東西廣一百里南北袤一百四十里 東至本縣賈家堡一百里至朔平府平魯縣治一百七十里 西至西溝村關河灘一里保德州河曲縣樺林營界二十里 南至本縣樓溝堡四十里至五寨縣治一百四十里 北至本縣滑石澗堡七十里至蒙古土默特邊牆地界八十里 東南至本縣永興堡大十里至神池縣治一百五十里又三

里至郡由郡達省共五百二十里 東北至
門市口邊牆九十里至本縣五眼井堡邊牆一
百里至將軍會堡外接蒙古界一百二十里
西北至老牛灣邊牆八十里 西南至河曲縣
治一百十里 東一百里達平魯縣界由朔平
大同入京路也

神池縣在府北少西三十里東西廣九十五里南
北袤一百五里 東至本縣大澗口五里至朔
州治八十里 西至官庄橋五寨縣界九十里

由橋南至五寨縣治八十里 南至黃花嶺寧
武縣界十七里由寧武界至郡三十里由郡達
省三百七十里 北至本縣乾柴溝接偏關界
九十里至偏關縣治一百五十里 東南至寧
武朔州界各五里 東北至本縣利民堡六十
里堡外莜麥川邊口接朔州界又半里 西
至本縣草菴舖接偏關界六十里一西南至
縣小辛庄接五寨界五十里 東五里大澗
至寧武大水口由大同達京師路也

五寨縣在府西少北一百 驛路南六十里

廣五十五里南北袤一百里 東至本縣張家

坪三十里接神池界至神池縣治九十里 南

至本縣青楊村四十里接寧武界至寧武縣治

一百里由郡達省四百四十里 西至界牌村

岢嵐州界二十里至州治八十里 北至本縣

深塢村七十里劉家溝八十里接偏關界至偏

關縣治一百四十里 東南至本縣羊房村接

神池界三十里 東北至本縣賀職村接神池

界五十里 西北至本縣韓家樓八十里由韓

家樓至保德州河曲縣界七十里 西南至本

縣黃土坡接岢嵐州界四十里本縣三岔堡在

縣北六十里堡東十五里至官庄橋由神池達

京師路也堡西二十里至韓家樓由岢嵐保德

達甘肅寧夏之路也

周髀經云大禹勑鈎服之法以 遠近高深

而疆理天下凡道里曲折遙 之間數咸得

實晉裴秀序地域圖其體有六一曰分率則

計里畫方如百里五十里之謂也二曰隼望則辨審方位正四方八到之謂也三曰道里所以定人跡經由之數四曰高下五曰方邪六曰迂直此三者則各因地勢以檢其短長參錯必如此而後州域廣輪之矩道里多少之實乃可得而正非然則列爲圖經登乎地記安自求其核而無失哉魏志所載廣袤近遠方隅參向亦唯約畧概而言之若夫弦股測量步勘規筭區方定畛今亦未遑故稍仍

其舊以備疆域大凡云爾

自郡郭東至朔州古稱八十里今云七十里南至崞縣界七里或云五里西至五寨縣治一百里或云一百四十里

魏志亦兩載

北至神池縣治三

十里或云四十里西北至偏關縣治一百八十里或云二百餘里東自代州入紫荊關至京師九百十里或云八百四十五里官程所記行旅所稱共此道塗爲數不一乃歎漢時亭堠計里九詳也因列其同異而併著之按步以求當

有得其實者

形勢關隘

夫寧武據雁門偏頭兩關之中其始未顯也至明中世而始爲要地遂稱重鎮蓋自正統己巳後虜數侵軼於是置關屯守明時統堡十二東爲大河爲陽方爲朔寧北爲神池爲大水口爲利民西北爲黃花嶺爲土棚爲義井西爲寧文爲二馬營爲西鎮而寧文又實與關城相犄角以扼西山之險嘉靖十三年都御史任洛自鵬窩梁至達達墩築邊

八里二十八步砌以石然陽方口爲西陁之隙當朔州大川之衝通忻代諸路平夷漫衍虜雖十萬騎可成列以進十八年都御史陳講乃尋王野梁廢蹟修復之東起陽方經溫嶺大小水口神池蕎麥川至八角堡悉築長城凡百八十里且築且斷因山爲險土石相半外爲濠塹二十三年都御史曾銑以邊牆高厚勿稱雁門乃復增築之三關中路之備於是始壯焉

明寧武道所轄邊界自神樹梁西至地椒峒長二

百九里零四十丈盤道梁一帶北至本邊南至元
岡口濶五十里元岡今屬崑崙縣寧武神池一帶俱北自本
邊南至忻州濶二百七十餘里利民八角一帶北
自本邊南至靜樂濶三百餘里內轄沿邊城堡二
十六沿邊墩臺一百十三極衝三十二處次衝二
十一處自神樹梁東接廣武界康溝窩正峪水口
大蓮花紫荊山小峪水口俱次衝由盤道梁而灶
君崖麻地溝金家嘴圪壕嶺燕兒水臥羊坡石家
峪八處皆極衝鵑窩梁口亦極衝由此而東西嶺

大昔嶺王野梁西溝口爲次衝朔寧堡次衝陽方
口至丸龍口爲極衝自鎮城西南則寧化爲次衝
由陽方口迤北狗兒澗大水口亦極衝圪壕礮本
溝口爲極衝惟灰窰溝次衝其大小石板二溝及
石湖嶺靳家嘴皆極衝澗平口次衝而西溝堡又
極衝其邊牆一帶如灰泉梁虎頭山寨思契嶺亦
各建堡寨以資防衛自是由得勝堡而北若牛肋
叉灣小道塢莜麥川爲套部屢入之境皆極衝也
勒馬溝堡亦極衝蔣家峪乾柴溝雖次衝而野

溝之暗門長林堡之暗門石湖水口大莊窩之暗門亦皆極衝

偏頭關之地東連丫角山西接黃河明初置關統堡十有八關以東爲馬站爲八柳樹爲老營東北爲小營爲水泉北爲寺塢爲滑石澗西爲樺林爲樓子營爲羅圈爲楊勉爲唐會爲五花營爲得馬爲灰溝南爲永興東南爲八角爲長林大邊在關北一百二十里成化三年總兵王璽復於關北六十里起老營丫角墩至老先灣築牆二百四十里號

爲二邊嘉靖九年總兵李瑾又於關東北三十里起石兒廟至石梯墩築牆七十里號爲三邊其後以時增修比之雁門寧武二關尤爲慎固蓋山西唯偏關亦稱邊外其緩急實與雁門寧武異論者謂偏頭倚大同爲蔽然虜自西北入則大同之援兵不能及况遇河凍虜人犯岢嵐靜樂多由偏關出沒明初建將屯兵首先偏關蓋以此也老營堡東接平鹵去大同不遠寇警時至使得驍將勁卒屯守則丫角墩而南陽方口東西烏用紛紛哉

明岢嵐道所轄邊界自東接地椒峁界起西南至河保營石梯隘止長三百六十三里餘二百八十步又自石梯隘口起迤南至河曲保德抵黑峪口止黃河東岸沿長一百一十里內轄沿邊城堡二十六烽火墩臺四百七邊口三十九處極衝一百二十九處次衝二十四處市堡十市口三處老營守備界之丫角山鎮虎墩五眼井青楊峁猴兒山衝川鎮東高山野羊窠得勝峁好漢山鎮寧墩破虜墩臺盤梁虎尾墩莊窩平安墩東山墩鎮安墩

阻虜墩明遠墩馬頭山西溝墩拒虜墩張家峁鎮河墩大圓峁小青山小竹峁鎮樓溝大青山小水泉墩南海子墩共三十四所皆爲極衝水泉守備界之兔兒窠樓利兒樓東梁亭城南墩紅門東樓紅門隘口紅門墩皆極衝惟北窠次衝又兔兒溝石峁臺石峁墩海子梁海子墩斬賊墩六處皆極衝惟常梁次衝又乾柴土臺鎮羌石窠滅虜柳溝六 皆極衝草梁山守備界之劄賊樓東坡墩驢皮窰東坡樓東口驢皮窰中嘴西口西披樓

樓勤虜樓楊家庄殺虎墩鎮邊青草峁鎮寧保安
鎮鎮虎草溝十七處皆極衝惟滑石將臺爲次衝
又滑石堡之東厓水門二處稱極衝而溝西石峁
小莊墩三墩皆次衝其西之常樂墩則老牛灣界
也常樂老牛灣及河兔兒溝皆爲次衝以瀆黃河
天險故也自是蒲家灣口爲極衝東長嘴韭菜庄
窩沙莊窩三處皆次衝其栢林五舖口刁窩嘴口
三處又爲極衝山羊口小石門又爲次衝至官河
口爲極衝小石坑口亦次衝大石坑口石岩口亦

極衝自此迤南則爲河曲樺林營

大邊墩自窑子頭起至小口子堡止共十六座明
宣德九年都督李謙築嘉靖初猶存今皆廢爲草
地在紅門口外六十里

二邊墩東接平虜衛二邊西至本城所轄老牛灣
之烽墩凡有數路一自丫角墩起至本關虎頭墩
止傳水泉營寺塢堡一路烽火一自滑石墩起至
虎頭墩止傳滑召澗老牛灣大邊一路烽火一自
楊免墩起至虎頭墩止接西路黃河樺林營烽火

每河凍防冬套部人犯樺林烽火尤煩
南路墩自本關虎頭墩起傳鎮西衛長城墩止抵
岢嵐東南接太原一路西南接汾州一路
中東路墩烽堠亦自本關虎頭墩起傳八角護城
墩止直接神池寧武烽火

寧武道轄二馬營汾水嶺黃花嶺廟梁墩元岡口
及鎮城北空心磚樓各一座岢嵐道轄老營堡之
五眼井樓野羊窰樓好漢山樓鎮溝樓小水泉樓
水泉營之兔兒窰乾柴樓七星樓草梁山堡之護

水樓護城樓驢皮窰之東坡樓黃龍池之護城樓
滅虎樓及偏關之虎頭墩樓馬站堡北梁樓永興
之黼坐山樓三岔堡韓家樓五寨堡西杏林樓砦
北小河頭樓砦西北郭家樓砦東北大辛莊樓共
一十九座樓皆磚石外圍土堡樓俱空心丸洞以
遠眺望備不虞烽火時警卽枚聚人畜入居其中
以資保障焉萬 二十六年兵備趙彥議建已
五十餘年今大半就廢

明以偏頭寧武爲太原屏蔽故築邊樹堡分中

西兩路烽戍羅接視其置設若星宿相經緯而布奕縱橫又計馬所入而地當其要者分極衝次衝以爲防守或因山谷之險斬崖斷棧爲之阻塞所以拒其憑凌而禁其越軼者不爲不嚴且密然寇且屢入者豈封守猶勿慎固而設險之道未備至哉蓋以山西視偏頭寧武則二關爲藩籬以二關視邊堡則邊堡已爲堂闕雖日事修築固不能制敵之不來而遂欲恃以無患亦安得臥鼓而弛卒耶觀夫永樂宣德之世

寇警稀少蓋河套未棄而東勝之守未移是時偏關寧武雖邊塞乎若內地然自河套東勝之守變而燒荒之制不行於是二關撤其屏藩而距邊數十里外住牧者得以時至其後曾銑之議復沮於相嵩終嘉靖隆慶寇無寧歲焉所爲知保險於內而不知制險於外昔宋南渡後識者謂守江必先守淮即六朝南北交爭亦必以淮北彭城爲固知此者可與言二關之守矣雖然若余子俊翁萬達諸公之經亦未可

其非也 國家以來中外寫
力以重邊防者無所復事顧險者有國之要
明時一代措置之迹尤不可不使後人有所考
而得之若諸堡建築列魏志者附城池後俾各
以類從